

撫青雜說

王

烈

婦

黃孝子紀程

餘姚兩孝子萬里尋親記





卷之四
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

黃孝子紀程

黃向堅識

中華書局

黃孝子紀程

叢書集成初編所選知不足齋叢書收有黃向堅尋親紀程及滇還日記各一卷附畫冊題跋及歸莊黃孝子傳題作黃孝子紀程故據以排印書名亦從之

黃孝子紀程序

吳謁黃子含美。以名孝廉累試春官不第。鬱鬱調選人。得滇之大姚令。子與黃子少同席。又同舉于鄉也。知之深。其家廉讓。而無帶郭之田。其人貌類臞仙。踪跡落莫。而不近于富貴。令爾時婉轉公卿故人間。上之衣朝衫。趨走龍尾道。次亦方州雄縣。強項自顯。而萬里投荒。孤羈絕徼。踣蹙烏蠻。雖鬼閒有非。連臣遷客之所堪者。黃子鹿車載家。偃蹇就道。親朋相送。書書莫能營省。是歲明之崇禎十六年也。其明年。園方改步。與朝御天撫運。奄有區寓。齊趙雍梁。傳檄而定。又明年。江黃甌越。盡歸版章。維彼南荒。睥睨氏箠。士大夫遠宦天陲者。道隔不能通。又五六年。巴蜀枸醬。大夏邛竹。猶未入獻職方。黃子有子向堅。思親既久。淚下莫收。一旦告墓辭家。獨行尋訪。以順治之八年辛卯冬十二月。偃偃出門。風浪雨臥。斷盡草鞋。萬里雲南。終須直到。明年夏五。見父于白鹽井。其冬。奉父若母還鄉。以笱輿載二老人。短衣隨後。萍蓬飄泊。歷盡驚恍。禍散殃消。每得甘寢。以明年癸巳夏六月。竟抵家門。里中耆舊望而驚曰。噫嘻。炯如鷗行。矯如鶴立。夫非黃孝廉也耶。破帽蒙頭。焦衫掩骼。夫非徒步訪親之黃生也耶。賢哉孝子。史傳罕聞。于是相率造門。執孝子手問曰。自君之出矣。山程幾何里。水程幾何里。其閒垠崖崩豁。崗巖蹇嶮。何以前。溪流怪惡。風濤洶湧。何以濟。自信州醴陵。以達湘潭五溪。過紫岡黎峨。以至牂牁羅甸。關山遠遼。岐路蒼黃。其閒城郭依然。麻菽被野者幾何所。井邑邱墟。人煙荒絕者又幾何所。孝子引囊拭淚。具以告。明日。又更端問曰。成

樓驛館。失路誰憐。清柝嚴更。譏訶不免。且山慘畫嘯。乳贅向人。爾能不憂否。枯骸飛蟲。羊肝化火。爾能不懼否。蠻煙毒霧。凍雨悲風。則蓋覆乏手。龜足繭。系急筋。則痛苦多。吾儕偷生。坎壈間。不知行路。願吾子悉言之。以廣聞見。孝子仰天歎。又具以告。明日復更端問曰。始君之往。如泛梗然。不有其身。迨其歸也。坐兩白頭。子復興。出神焦鬼爛之鄉。齋跼蛇腥之險。自帶飯囊。蹣跚在後。視向所歷。既悼前猛。又生新懦。且公已與其士民習。炎方流寓。亦有賈島其人者。青蛉小邑。有諸葛武侯遺蹟焉。奈何必以錦城雖好。不如還鄉。爲若翁勸也。今若此。殆有幸。願吾子畢其說。孝子于是俛首泣下曰。馬思故櫪。人思故園。此愚父子之鄙情也。不足爲長者道。乃抽枕凹出紀程一卷。墨跡慘淡。半漬血痕。同輩哀其志。以授梓人。乞不敏一言。序其篇端。嗟乎。鍾儀之操南音。莊鳥之爲越吟也。人孰有不懷其鄉土。思其邱墓者哉。況黃子解組投閒。蕭然一詩翁。禪子耳。徒以筋骨老嫗。將伯無人。自非有子。擔囊取薪。斧冰作糜。能無水深梁絕乎。非是父無以見志士之苦心。非是子無以彰拙宦之清節。雖曰父子天性。蓋亦有相成者矣。或曰。孝子非能憑虛躡景。騰騰撇波也。而奮衣振迹。不難至西焚南窮之域。是操何術。歟。列子有云。秦人有迷罔之疾者。天地四方。猶且倒錯。予曰。不觀李廣之夜獵乎。見草中石以爲虎。射之中石沒跡。異日射終不能入。無他。誠能動物。精烈所激。無有閒之者也。孝子惟知有親。雖龍堂虎穴。生死一瞬。心無退轉。苟非其誠。十步之內。懷縮如鼠矣。史稱江次翁負母避難。躬自輓車。不用牛馬。皆此意也。又何疑焉。

順治乙未初春。年家友人胡周稟題。

黃孝子紀程序

紀程者紀三吳六詔之程也。曷紀乎。昔在明時。猶戶庭然。屬者間阻。龍節虎節。有所弗信。而孝子尋親。乃歷險能亨。跋涉荒遠。故作紀焉。孝子者何。姑蘇黃向堅也。曷言乎孝。以其父令大姚。滯宦滇南。孝子辛荼以往。迎與俱歸。微但其身得承膝下之歡。使其父亦修禴祀于祖廟。無有闕遺。孝其親。且成親之孝。天下之言孝者。未之或先也。孝子卽不敢有孝名。固辭於人。人之稱向堅者。必曰孝子。孝子云。大姚含美氏之在滇也。向堅適在其里。積其誠敬。通於神明。天之所祐。率以完聚。予蓋讀其紀程而重有感焉。寰宇分合。自古已然。構兵之際。民罹水火。仇離怨咨。骨肉永隔。子不舞斑。老不首邱。其可悲者。史不勝書。大姚父子。獨有天幸。苟非素行無罪于鬼神。曷以臻此。且聞之戴記曰。孝者所以事君也。禮緯有言。求忠臣必于孝子之門。蓋孝經一書。天明地察。事君不忠。非孝也。以子括臣。實無漏義。虹玉告備。不煩忠經之補作。以予觀于大姚。備嘗險阻。久而弗渝。退棲羊谷。幾以投荒老矣。而至性所鍾。不忍棄其墳墓。忠孝共貫。心蹟亮徹。非是父不生是子。淵源所厚。可不謂之難歟。乃若紀中所云楊公畏知者。滇人感其庇。憫其死。尸祝而祀之者。甚衆。楊爲子鄉人。庚午舉第一。以道臣歷官相國。予因黃生之言。聞附著之。河濱李楷叔則甫撰。

尋親紀程

明 古吳黃向堅端木父識

崇禎癸未歲。父除授雲南大姚令。挈母及從弟之任。後適逢鼎革。關山阻絕。干戈載途。言念二親。歸期杳不可問。堅夙夜徬徨。痛傷眊目。且遭外侮橫陳。幾至無家。屏居壠畝閒。茹荼拮据。筆硯塵封。殆不敢作安飽想。時拜墓側。訴己不孝。置父母于絕域而不之省。猶得爲人後也耶。深愁困苦中。每撮念靜思。雖山長水遠。決無限足之程。但恐不能一日果勇踏出大門耳。維時患難稍平。堅神悚悚動。儼如親之召我行矣。乃趣家人簡點征衣。含悲相勗。終不出一艱阻之言。滯我行踪。剋期別諸親朋。疑信相半。止予不得。餽我以鹽。酌我以酒。贈我以言。堅惕焉感拜。於是遂行。

順治辛卯臘月朔。拜墓辭家。臨別視身如蛻。不令兒女子輩悲涕牽衣。亦不忍回首分付一語。承五六長幼至。賊相送登舟。瞬息天涯。發舟之江城。索王雨民家書不得。計程五日抵杭。至江頭覓船。南望雲山層疊。江流森渺。坐篷底不覺熱淚淫淫下矣。停一日。放帆自富陽。桐廬。嚴。衢諸處。合上數十大灘。旬日抵常山。舟中雨雪頗多。嚴寒苦耐。陸行歇草坪鋪。曉起霜天路滑。朔風刮面。前出玉山縣。附舟下廣信府。泊沿山河口。同舟者酌酒。致予失足幾危。過貴溪。弋陽。望龍虎諸山。景色絕勝。殊無好懷。八九日合下數十大灘。轉上水抵鄧家埠。適羣盜焚劫。煙燄未息。船不敢刺岸。泊江中候曉登程。從此始托足芒鞋矣。路次多盜多虎。佳山佳水。悉成苦況。除逼投許灣客舍。孤身逆旅。回念家鄉。日去日遠。未知何年得與二親

還家事難前期。惟藉彼資默佑。壬辰歲朝。拈香望南心禱。泫然泣下。主人設席勸飲強醉。夜發雷電。雨雪洩旬。初九日。踣泥觸水。由流坊達撫州。踣狀元嶺。至戰坪。出豐城。臨江界。時值元宵。歇龍坊李姓家。情深如故人。至是時。雨雪踣趾破裂。裂痛楚。頻頻倒地。身如泥塗。自顧堪憐。往往僵臥道旁。探去路多岐。進水南。歇龍坊。得同行者二人。見予子身孱怯。徒步艱難。互相設言前途戰爭。靡息。行旅久絕。路有虎狼之虞。身有疾病之憂。固却促予速歸。予無退志。無懼色。強與行。十九夜。乘月發足。幾落澗中。早至樟樹鎮。渡大江。從山谷最僻處問路。曰金樓水。白慈化青山黃崗桐水。俱在分宜。袁州醴陵之閒。村居悉依山傍水。茅簷土壁。儘可安歇。但山徑崎嶇。多圯橋斷岸。臨之股慄。閒有煙火荒絕處。則裹糲而行。顛蹶頻計。行十三站。至二月初旬。得渡湘江。寓湘潭縣城外。左足血瘀腫赤。痛不能禁。用瓦針刺血。憔悴支離。眠餐幾廢。同行者深爲予惋惜。又設疑畏之語沮予前進。唯唯謝之云。予出門時。將萬念放下。雖艱危敢不自力。派封家信一函。附同行者寄回。查足五日。由湘鄉渡江而西。上寶慶府。四望荒山。田多草萊。饑饉遍野。虎跡如碗。偶見羣鹿當徑。逐之則陣圍。亦可駭。凡去路通塞。日每先於宿處得之。陟峻嶺則汗溢沾背。踣深溪則冷刺入骨。幸足力漸好。善走又善飯。日擎蓋始覺酸疼。久若相忘。風風雨雨。恰行十五日。至高沙市。距武岡州六十里。翹首天南。重嶺雲封。綿亘如長城。遠帶內。卽蠻夷部落聚居。所謂五陵溪是也。從此得間道。多崇山復澗。足雖壯往。目幾爲之淒斷。歇水壑敗屋中。夜雨傾盆。苦不能睡。用蓋支坐待曉。將出。洪江關有北兵守險。迴回不前。既出人煙斷絕。時而深谷荒簷。時而嶺頭澗底。困踣異常。幾令此身無處。

安頓曉上桃子巖。此地苗獠出入害人。山農結伴持矛帶弩而耕。進大龍壁擁塞。得獨木船。渡大溪三道。碕岸臨于怒濤之上。徬徨躑躅。高深是懼。山中叢篁古木。陰森蔽日。悉從無路處覓路。且有異花。紅紫閒出。有異鳥。悲鳴不絕。殘葉盈尺。落花相襯如層褥。瞥見荒邱祭掃。淒然有墳墓想。時尚在沅端粵西之界。乞鄉導轉入西溪柳寨。俱係苗地。苗民椎髻懸環。語言馱舌。或有能通漢語者。亦知留客作供具。釀酒如蜜。舂米如雪。其巖壑之幽深。泉石之奇怪。大都皆世人所不經見者。出舊寨。即便水驛之南岸也。地方久無統轄。亂山環繞。極目草迷。多漲沙。多流潦。多獸跡。踟躕歷晃州至鮎魚坡。幾至無屋可歇。忽聞人語於秦莽礧礧間。尋聲覓宿。得新結草房。尚未築垣。用茅刺相圍。抱膝不敢睡。來日岸草蔽身。捍頭目。行不得。昂步聞炮聲。遙望烽煙。知秦關不遠。又前。見伐木重圍。樹柵如城。空際懸一大鐘。兵士立于層梯。雄聲詰問。予又前。喋喋多厲言。以姦細目我。傳令啓柵放進。將主作嘖怒狀。左右持戟恣睢。叩我籍貫姓名。來幹何事。要從那裏去。予涕泣跪告。獨身冒險而來。只爲父母在雲南。數年音問不通。存亡未知。特來尋訪。實無他意。探子得情。顧左右曰。前途尙遙。羸怯若此。如何可去。留宿營房。更盡差騎押至平溪。見高總戎。又具以情稟。加意矜憐。云尋親果真。當給票放之前去。明日午後。渡江。歇清浪。又明日。渡江。歇焦溪。兩日江畔荒寂。舉目驚心。塘兵忽大聲喚我莫走。有虎在前山。宜小心。予恐往前果見虎跡。歷歷踰雞鳴關。多層岸絕壁。關隘重重。達鎮遠府。府治不設城郭。四隅高山屏立。岞嶸中帶大溪。如據萬丈之城。臨不測之淵。跨大橋一虹。東岸有紫陽書院。樓閣臨於絕巔。有帥府駐兵。觀望許久。潛訪姚邑。音耗未的。此處有厲禁。

非其民不得上。密遇楚黃人楊姓者，追隨入黔，進紫岡、油炸諸關，歷相見坡。萬山雄惡撐天，雲日多異色。大溪穿入巖穴，約半日程，仍由山腹中瀉出，怪怪奇奇，皆思議所不及者。歇偏橋衛學舍，尋上新添龍里清平，一路高山排列，嵐瘴晝塞，恍疑鬼窟。深溪架梁，寒瘴可畏。下峻嶺，百步九折，過蔴哈葛鏡橋，狃狃寨對岸，削壁陡絕，鑄神留宇宙四大字在上。至平越府，山勢巍峨，路紆折如羊腸，兩旁俱苗蠻巢穴。昔年官商每受苗害，選山之最銳者設哨備警。今十里立塘，塘兵時被虎馱去，嶺頭坡足，骸骨枕籍，商旅絕跡。止見飛騎往來衝突，又見割耳剔鼻之人，更有兩手俱去者，猶堪負重行遠，慘甚。即有奇山異水，不敢流覽。一宿山寺，一宿塘鋪，炊飯烘火，不得倒睡。自高沙市入貴陽府，計程一月有餘，繇谷角、歷關隘數里，驗票進城。城內屢遭屠戮，居民寥寥。楊君憐我，留歸頗親厚。途中凡遇神宇，必進禮禱，祝時詣帝廟卜二親消息，或見予髮未壯，伺予欲執適過程姓者，言及遠來尋親，錯愕竦聽。顧謂予曰：我新安人也。寓居廬州，幼年被擄至蜀，今經二十年，不知父母家鄉在何處。悲咽良久，云：我往衙門查汝父履歷，便知下落。晚袖片紙鈔父告致緣由，在丁亥冬已解任矣。予深喜，倘得相逢，圖歸有日。但未知隱於何處。復囑予當上一稟，啓于主帥，有稟方可去尋訪。在寓榻營爲萬里尋親事，草數行成。凌晨雨中，袖啓未達府前，兵衛駢填，象馬塞道。予遂巡于隊伍之中，啓不及上。時四月初一日也。次早呈進，晚刻即發下批，據實非姦細的，係尋親，著給票與他去。初三日領票，又詰問數四方給票得行。臨行，承他鄉三四友相賀贈別，有熊姓者，攜手送至郊外，流淚勉予云：雖無伴侶，有票當放膽行去，揖別遙相跂望。尙在城隅拭淚，未及數里，兵馬橫戈。

戟擁道不得前。站坡足數間。驗票。轅前一人傳諭。好生讓他走。又數里許。突遇一卒。將繳擊破。疾馳去。驚疑未省。進威清城中。茅屋數間。空諸所有。席地而坐。見一卒執小紅棍。夾一帖飛馳。云軍令來。速站起。詢前擊繳者。亦軍令也。明晚達平壩。衛兵馬屯營。兼程歇萬隆鋪。睡草次。四體不能屈伸。達安順府。府公李春鯤驗票。留署中。致贈過安庄衛。歷白水驛。峭壁千尋。奔流瀑布。獨坐縱觀。心目澄瑛。歷頂站。崗巒環匝。數息得踰。霖雨。兵馬踐踏。擁成泥浪。循平沙躍走。深陷沒膝。身若墜淵。幾不得升。次關嶺。連峯橫絕。卽漢將關索駐兵處也。迄今顯赫。有雄將守險。不易登上。嶺將半。氣喘力絀。倒嶺畔。有老僧出茶啜之。強起。用蓋作杖。約步登嶺頭。見布帳漫山徧野。羣馬縱放。旌旗蔽空。炮聲如雷。少休下嶺。突騎執至營中。詰問驗票。因勞問途路之苦。著役設飯。緣病不用。又給粥一盂。夜半起營去。予息草店兩日。束行囊前走。又見兵馬雲集。旋嶺而下。駕象者。乘騎者。旗幟炫目。山谷震動。將暮。疾走尋宿。又見後營扎于嶺下。造飯。馳馬紛紜。軍容如前。驗票又走。見羣象塞路。休白口坡。自進關來。凡過郡縣。衛所。開路廣闊。每十里立塘。以次驗票。稽察。無票卽係姦細。致行人裹足。次盤江。波濤洶湧。兩崖拔壑陡峙。鐵索架橋。素稱險阨。過此盤詰最嚴。亦入滇一要害處也。把隘將士姓潘。係秦州人。驗票相留話別。酷日炙身。俄頃雲合。雷電烈風。曳蓋淋雨。不得蔽。從舊城馳至苗寨。僅見苗婆一二。張口嗷嗷。牛豕溷雜。負雨疾走上層嶺。雨集成潦。洶洶作怒濤飛。下衝波猛。前股膝聯跪欲仆。雨盛而氣益壯。息海馬庄。乏米不得飽餐。烘衣至夜分不睡。自出門來。嚴霜凍雪。淒風苦雨。淋頭抹足。未有是日之甚。披溼衣蚤行。上安南衛。歷老鴉關。奇峯合還。飛泉濺衣。列

岸連延如棧。登江西坡。過普安州。上雲南坡。層折巉削。雲海茫然。凜凜生寒。至亦資孔。在被兵。幾不成世界。路絕行踪。時遇苗子成羣。遞送軍糧。過滇南勝境坊。林巒風土。便覺與目相易。歇平夷衛。遇浙東錢公士驢。係舊任雲南陽宗知縣。落職補署廣文。芒鞋謁見。瞠目袖手。倨視告之曰。某從蘇州來。尋父親黃大姚的。觀面注看。敍揖握手。大慟。隅坐。細詢父親消耗。言之甚詳。云當兵。戈搶攘。患難相同。而能出險入險者。惟君家父子。旋問及山陰景色。又不覺悲喜交集。煮二卵壓壺。自傾談。至篝燈而罷。是日知父母無恙。始確寓姚之白鹽井也。曉起。精心勇行。中道山水瀾漫。褰裳行二十餘里。毫不覺苦。歇密盆之交水城中。遇江右客桑姓者。繾綣如故交。不忍卽別。到曲靖府。城外敗垣頽立。僅存諸葛遺踪一坊。挂號時。各官在社廟祈晴。門役奉票送驗。愕然促語。命吏引見。予短衣草履。叩謁多禮貌。涕泣不敢仰視。見予病目。毗離。咸咄咄驚歎。勞問。予悲咽不能答。下寓。有古道臺諱心者。卽回署相邀。留至榻前。備言老父受難之苦。不做官之樂。棲心釋典。恬泊無營。有真仙真佛之稱。隨詢中原風景。密語而默應。聞予欲接二親回家。又默然久之。云不做官。可歸。無他戀。可歸。繼爲予計路費之難。慮關津之險。每作皺眉狀。把盞劇談。至更餘贈別。次早。府公劉諱文治者。留飯。別去。差騎馳至數里外。致贈古劉二公。蜀人也。係父同寅。更相守姚。故知父行藏甚悉。待予意甚厚也。歷小關嶺。過易隆。溪流侵路。渡楊林海子。龍見雨作。風狂曳舟。幾覆。冒雨登岸。歇楊林驛。計三四程。由坂橋過歸化寺。營房鱗集。嚴加盤詰。又數里。入雲南省。至白塔關。兵衛去帽嚴查。多喝叱聲。驗票放行。歇項伯亮店。少頃。軍民擠門。無不驚訝。店主率子將票呈報帥府。訖。自貴陽至

此合二十站。行二十六日。有滇中人宦遊于中土者。又有蘇杭阻隔在滇者。凡屬親知。悉來寓號相叩問。不休。雲南自乙酉年九月遭元謀縣土司吾必奎叛亂。調臨安土司沙定洲援征。兵變。沐鎮失守。西竄永昌。沙賊盤踞省中。兵連楚雄。金滄道臺楊公諱畏知者。相拒年餘。丁亥春。川兵蘇黔入滇。破曲靖。定洲敗走。棄省城東歸。省城百姓迎降。故城中無血戰之苦。隨進攻臨安。搗諸夷寨。沿途地方有拒敵者。咸被屠戮。定洲遠遁。收其降卒萬餘。復回兵攻楚雄。楊公力戰被擒。說以仁義。勸勿殺掠。故滇西賴公初不受兵。尋執沐鎮歸省。置部下。更用密計擒定洲。竝其妻萬氏俱磔于市。繇是土司懾服。悉聽調用。兵勢益強。復往黔中收諸部落。及己丑年。迺西土司結連邊將。擁一女主起義。敗謀諸郡屠戮。略如迺東。雖僻遠如麗江。亦被所擄。惟省城爲之改觀。內設重城。大起府第。非復舊日之規模。南城外關一大操場。多毀民屋。更造營房。惟金馬碧雞二坊在焉。滇俗用海肥。今皆毀去。錢法多異鑄。辛卯春。楊公詣安隆拜爵回黔。尋被戮。滇民感其庇。咸圖像祝之。予時逗遛在寓。凡得所聞見者如此。念故鄉雖遠。喜親闈漸近。見龍舟競渡。不免鄉思煎人。初三日。出昆明驛。過石壁村。係崐山邑侯楊公諱永言者家。在焉。傳一口信訖。歇碧雞關。望滇海及太華諸峯。山光水色。縹緲相涵。此南詔一大觀也。早達安寧州。聞吾蘇張公祖諱堯年者。本州人也。進城寄一口信。州內兵馬衆多。見予被髮。相圍詰問。伊親邀至家。往三泊縣趣長君歸。見太夫人和淚出拜堂前。留樓頭問公踪跡。告之曰。仍寓江浦。已有子矣。將信將疑。忽悲忽喜。明早見舊州侯陳公振奇。黃巖人。受禍落職。賦詩自娛。言念天台石梁。墮淚沾襟。云我有三子在家。緣何不來。益爲之痛悼。益留。

過端午固辭致贈泣送至城西由祿豐縣入黑鹽井行三日路介崗嶺之間拜門賢王用賓驚喜相泣細叩老父行藏云老師出簾後干戈競起迤西道阻渡滇海避晉寧一月歸縣臆杪慘劫衣服無存丙戌復攝篆三姚會兵楚城推爲武元監軍時粵中行取報到不及啓行未幾滇事大壞卽挂冠潛避入外拍喇西兵振旅南旋強出以死自誓卽固辭還山流離播遷避兵鐵索營至己丑五月會營將張儒起兵謀洩全家被戮幾罹大禍已作出世想矣不意今日有此奇緣大爲吾父子慶厚贈遣騎送過琅井入尹公署中一宿曉歷大坡與後山更上幾層遙石渡湖樹覆濃蔭遠近莫辨過定遠縣踰諸葛嶺日晡達姚安府俱境垣敗屋一望淒涼遇昔年屬吏史起鵬痛言三姚受兵之慘深幸老父去官之早謁府公任熙州侯嚴士龍皆老父對房門生也各送程儀答拜設席青蓮寺具談歷年亂離欣幸老父能免禍善全萬里永闊今又得會合嘖嘖不已差役遠送宿滿海場曉上梨武坡過一滴菴松杉翼道路嶽嶺目凝足揚舉體輕脫栩栩如歸故鄉下坡過柳塘羣峯貼面屋角籠烟已到白鹽井也亟詢父寓路人矚目問客從何來予應曰自蘇州來尋父親黃大姚的無不驚語遙指予淚湧狂奔塗遇雨民恍忽如夢相揖攜手到父寓入門悄寂惟見舊時婢子坐于簷下定睛更熟視高聲驚喊家鄉相公來了母親不信云那有此事堅已至堂上放行囊號呼父母老父午睡未覺驚起忙問爲誰老母應聲曰兒子來了父亦不信堅遽入寢室父嚶語摸眼不知所爲猛然相視堅拜倒榻前相抱號泣幾絕不得起起復相持痛哭不止旋與二親羅拜天地坐頃問起居二親亦相勞苦叩所從來見堅苗髮蓬鬆面黑目腫鬚鬢開白短衣草履狀貌非昔復

相顧痛惜。咨嗟不已。問昔年僮僕。皆已星散。時弟探薪歸。立門外探望。老父呼進。相拜泣。雨民兄問家鄉事。因無書信。爲之大慟。諸門人耆老拜賀。簇擁堂階。不得率坐。室中別無長物。蕭然如僧舍。壁間懸一大士像。案頭惟義易梵書諸籍而已。老母具酒設果饌。堅傾罇爲父母壽。老父笑謂母曰。自分家鄉隔絕。骨肉無相見期。冀得通一信足矣。豈望有今日哉。坐燈下。歷敘兩地兵戈。僥倖不死。旋問里黨姻親諸兒女輩。興替存亡。無限欣戚。話至遠任未回。有籍沒等事。頻年受難。賴上枝大兄默爲相援。極其感歎。及聞廬墓無恙。丙戌又添一孫。萬分歡喜。咕咕不覺雞鳴。時五月十五夜也。自蘇至此。計驛道萬有餘里。緣多閒阻。紆迴曲折。凡行半年半月。得見二親。殊不覺足之疲憊。路之踰躐。不幾天涯咫尺乎。回憶出門時。若上澄影師來。以遠行商之。示予曰。有願必成。今果爲左券。父曰。春初在琅井。簡李卓吾續藏書載王原尋親事。其父珣時年六十有四。與吾年適合。有感錄之歎。謂今世不復有此。不意汝乃能之。亦先兆也。明日束冠謁各社廟。拜老父諸交識。盤桓浹旬。見二親強飯。私心深喜。及計還家。資斧乏絕。歸期難卜。回望家鄉迢隔。不禁魂夢搖搖。又未嘗一夕安枕。知與不知。僉云可來不可去。無可奈何。只得繕一啓告歸。投府驛遞呈主帥。月餘不下。父以命數相慰。日與諸生講易于五葉菴。予促雨民作歸計。則啞然不應。日啓老父速行。父曰。吾數年不得展廬墓。朝夕傷心。幸汝得來。祇兩孫在家。伶仃無依。豈不欲急歸。恐前途險阻。兼之路費不給。故徘徊耳。有諸門賢在。當修書與汝。當不惜勞苦去。於是出姚城。過白塔。拜土司高公門。有永爲外藩一扁。進內衙。衆僧繞廊。莊嚴如古刹。靜室焚香。敬寫經文。公年少。長齋佞佛。侍從捧茶。舉案必

跪。儼如王者。素與家君善云。全滇干戈鼎沸。凡不受職者。悉被慘禍。得解綬善全者。惟老父母一人耳。年來與無住白空長老結蓮社于妙峯龍山諸刹。將修來世因。今幸復得聚首。豈偶然事。知予作歸計。蹙然曰。相隔數年。何急于一旦也。予俛而不答。辭去。隴三窠關。歇水井屯。歷鎮南州。歇大石。歷楚雄南行四十餘里。山徑荒絕。不見滴水。暑甚。幾渴死道旁。達南安州。地本黑夷蠻所居。有雄將協守。拜門賢鮑一鯤。因病自留。久贈馬二匹而返。經楚城下。地震。衆山搖撼。聲如雷轟。城堞崩陷。磚石亂飛。幾不免。時六月初八日也。肩渡地方。壓死人民千計。嗣後逢庚則震。至冬初始寧。歸白井。養目少瘳。又上鶴慶府去。淋雨出門。踏峻嶺足溜。強行出三岔營。歇人頭關。過孔仙橋。循一泡江而上。濤聲喧耳。拔崖緣壁。失足便墮。行來千巖萬壑。如此奇險。未嘗到眼。至米甸。借棲山寺。問僧前路遠近。繇複道歷諸峯之巔。時衣雲霧。與峯爭險。歇賓川州之西關驛中。尋繞雞足北麓行。地僻山深。比日僅見樵牧一二。黃葉丹楓。掩映高下。羣峯噴帆。雲際彈指蒼黃萬變。又循金沙江南行。山多頽色。淘金處江水激灑如紅霞。過白崖廠。又行三四程。達鶴川。風景與他郡較勝。多縉紳家。門賢孫士。勒留園亭數日。設榻供具甚盛。日邀親朋暢敘。有嘉餚。無美酒。賦言贈別。尋上劍川州。從雨中歷陡嶺數重。苦絕。係微荒僻壤。漢夷雜處。獵獵帶刀出入。見之可畏。拜州侯嚴佩祖。留一日。贈別出鄧川州。踰崗截澗。懸崖垂垂如欲墮。人頭上。澗深水淩。響震林谷。眩目悸心。過浪穹縣界。有溫泉可浴。達州州侯趙珣留署中。攜幼子侍坐。噉飲。拜贈出大理路。望點蒼山。亭亭十九峯。屏立海岸。峯頭積雪。白雲帶腰。海水綠如柳汁。此又迤西一勝概也。走海東。因雨漲路陷海岸數里。浪湧。